

Tentukan Sama Ada Pertuduhan Khairuddin, Chang Mengikut Sosma - Mahkamah Persekutuan
MStar Online
3 November 2015

PUTRAJAYA: Mahkamah Persekutuan pada Selasa memerintahkan Mahkamah Tinggi memutuskan sama ada pertuduhan terhadap bekas Naib Ketua UMNO Bahagian Batu Kawan Datuk Seri Khairuddin Abu Hassan dan peguam Matthias Chang adalah di bawah Akta Kessalahan Keselamatan (Langkah-Langkah Khas) 2012 (SOSMA).

Semasa menolak permohonan kedua-dua tertuduh untuk dibenarkan diikat jamin, panel lima hakim Mahkamah Persekutuan dipengerusikan Ketua Hakim Negara Tun Arifin Zakaria juga memerintahkan Mahkamah Tinggi mendengar permohonan mereka bagi diikat jamin.

Beliau berkata Mahkamah Persekutuan tidak boleh memberikan ikat jamin sementara kepada Khairuddin dan Chang kerana ia sama seperti prapenghakiman terhadap perkara itu.

Ariffin kemudian menetapkan Khamis ini (5 November) untuk Mahkamah Tinggi mendengar perkara itu, menyatakan perkara itu patut didengar segera kerana ia melibatkan kebebasan seseorang.

Beliau juga memerintahkan Mahkamah Rayuan mendengar perkara itu dengan kadar segera, sekiranya perkara itu dibicarakan di mahkamah.

Hakcipta Terpelihara © 2015 Star Media Group Berhad (ROC 10894D)

Source: <http://www.mstar.com.my/berita/berita-mahkamah/2015/11/03/tentukan-dakwaan-khairuddin/>